



Senin, 28 September 2020
Matius 25:14-30



BENAKENLAH



Selama lit wabah Covid-19 enterem kalak sikena PHK i bas perusahaanna nari. Situasi enda erbahansa lit perubahan si luar biasa i bas perekonomian rumah tangga. Janah enda maksa ia ras seisi jabuna arus ndarami cara kuga gelah keperluan ekonomi tetap tercukupi. Emaka melala ia menaken usaha si mbaru aminna pe kitik-kitik. Lit ia mbuka usaha online guna ndayaken baju, erbahan masker, les pelajaren secara online, nuan ras idayakenna bunga ras sidebanna. Memang labo kerina usaha enda rulih tapi labo ka sitik si usahana sukses janah banci ka ia jadi pasu-pasu man kalak si deban sabap ngasup ia mbuka lapangan kerja si mbaru.

Si paling penting banci si pelajari eme temanta enda nggit menaken dahin si mbaru. Aminna pe pasti melala tentangen ibas menaken dahin, tapi la enda erbahanca jadi alasan man bana guna ia berdiam diri, mengeluh/kelsehen, ngarapken penampat bas pemerintah saja, entahpe banci ka sirang ia ras jabuna, sabap enda pe melala nge jadi.

Pengogenta i bas Matius si jadi renungenta enda ngingetken kita, kuga Dibata mereken pemere-pemere man teptep kalak, janah sura-suraNa maka kai si berekenNa la ngadi bage saja, tapi perlu tetap sikembangkan ras sidahiken gelahna pemereNa e la kita saja si ngenanamisa tapi enterem jelma. Man tep-tep kalak memang labo seri pemereNa, lit si sitik bagepe lit si mbue, tapi si sitik e pe kepeken banci jadi mbue adi sibenaken ndahikenca alu tutus ras meriah ukur. Sebaliknya si mbue e pe jadi sitik ras la lit guna, isingetken banta sibenakenlah dahinta alu semangat ras tutus. Anemgia melala tantangan, melala perbeben janah lenga si idah hasilna, entahpe modal ka pe kurang. Amin bage gia, adi si enggo si benaken, erpengendes ka kita tetap man Dibata, pasti ijujurina ras tetap iberekenNa talenta bagepe si mehuli man banta. Ula ngadi anem gia it si gagal, tetaplah erjuang.